



1

**GIPUZKOAKO LURRALDE HISTORIKOKO XEDAPEN OROKORRAK**

**GIPUZKOAKO FORU ALDUNDIA**

**OGASUN ETA FINANTZA DEPARTAMENTUA**

*152/2023 Foru Agindua, apirilaren 5ekoa, zeinaren bidez onesten baita 592 eredu –«Plastikozko ontzi ez-berrerabilgarrien gaineko zerga berezia. Autolikidazioa»– izenekoa, eredu hori aurkezteko modua eta prozedura zehazten baitira, baita plastikozko ontzi ez-berrerabilgarrien gaineko zerga bereziaren itzulketara eskatzeko modua eta prozedura ere, eta lurralde erregistroan inskribatzea, kontabilitatea eramatea eta izakinen erregistro liburuaren aurkeztea arautzen baita.*

Apirilaren 3ko 9/2023 Legearen bidez (haren bitartez maiatzaren 23ko 12/2002 Legea aldatu da, Euskal Autonomia Erkidegoarekiko Ekonomia Ituna onesten duena), hitzartuta geratu da, besteak beste, plastikozko ontzi ez-berrerabilgarrien gaineko zerga berezia, lehen aipatu dena, eta Ekonomia Itunaren 33 quater artikuluan haren ituntze arauak sartu dira. Hala, zerga hori tributu itundu bat da eta Estatuak une bakoitzean ezarrita dituen arau substantibo eta formal berak erabiliko dira hura arautzeko.

Lurralde historikoetako erakunde eskudunek, hala ere, aitorten eta ordainketa ereduak onesteko eta likidazioaldi bakoitzeko ordainketa epeak ezartzeko ahalmena izango dute. Baina eredu horietako datuak, gutxienez, lurralde erkidean erabiltzen diren berberak izan behar dira; eta epe horiek, berriz, ezingo dira izan Estatuko Administrazioak ezarritakoez oso bestelakoak.

Hondakinei eta lurzoru kutsatuei buruzko apirilaren 8ko 7/2022 Legeak, ekonomia zirkularra bultzatzekoak, ekonomia zirkularra bultzatzeko neurri fiskalen artean, besteak beste, plastikozko ontzi ez-berrerabilgarrien gaineko zerga berezia sortu zuen 2023ko urtarrilaren 1etik aurrerako ondorioekin.

Zerga hori ingurumena babesteko tresna ekonomiko gisa eratzen da; izan ere, ingurune naturala errespetatzen duten portaerak sustatzen ditu, ingurumeneko kanpo efektuak zuzentzen ditu eta hondakinen sorrera prebenitzen du, hondakinik onena sortzen ez den hondakina dela dioen printzipioa betez. Esandako zerga zeharkako tributu bat da, berrerabili ezin diren plastikozko ontziak Espainiako lurraldean erabiltzea zergapetzen duena.

Estatuko Administrazioak edo lurraldearen arabera eskuduna den foru aldundiak ordainaraziko du zerga, honako arau hauen arabera:

— Zergaren eremu objektiboaren parte diren produktuak fabrikatzen diren kasuetan, jarduera egiteko erabiltzen establezimendua non dagoen kokatuta eta lurralde horretako Administrazioak ordainaraziko du zerga.

— Zergaren eremu objektiboaren parte diren produktuak Europar Batasunaren barruan eskuratzen diren kasuetan, zergadunaren zerga egoitza non dagoen eta lurralde horretako Administrazioak ordainaraziko du zerga. Batasun barruko eskurapenak ezarri gabeko zergadun batek egiten baditu, ordezariaren zerga egoitzari dagokion lurraldeko Administrazioak egingo du ordainarazpena.

— Zergaren xede diren produktuak modu irregularrean sartzen badira, sarrera irregular hori egiaztatzen den unean produktuak zein lurraldetan dauden eta lurralde horretako Administrazioak ordainaraziko du zerga.

Kuota eskuratu duen administrazioaren eginkizuna izango da kuotak itzultzea, eskatzen zaizkionean. Dena dela, kuotak zein administrazioan ordaindu diren jakiterik ez dagoenean, itzulketarako eskubidea sortu den lurraldeko Administrazioak egingo du itzulketa.

Zergapekoen inskripzioa eta errolda Estatuko Administrazioak edo lurraldearen arabera eskumena duen foru aldundiak egingo ditu, lehen adierazitako erregelei jarraituz.

Zergaren eremu objektiboan sartzen diren produktuak fabrikatzea, inportatzea edo Batasunaren barruan eskuratzea da tributu honetan zerga egitea, eta fabrikatzaileak, inportatzaileak edo batasun barruko eskuratzzaileak dira, hurrenez hurren, zergadunak.

Halaber, zergaren eremu objektiboaren parte diren produktuak Espainiako lurraldean irregularki sartzeak ere eratzten du zerga egitatea, eta, kasu horretan, modu irregularrean sartu diren produktuak eduki, merkaturatu, garraiatu edo erabiltzen dituztenak dira zergadunak.

Era berean, fabrikatzaileei eta batasun barruko eskuratzzaileei hainbat betebeharrak ezartzen zaizkie: lurralde erregistroan inskribatzea, autolikidazioa aurkeztea, kontabilitatea eramatea (lehenengoak) eta izakinen erregistro liburua aurkeztea (bigarrenak).

Batasun barruko eskurapenetan, birziklatu gabeko plastikoaren pisu osoa ez bada hilabete natural batean 5 kilogramotik gorakoa, eskuratzzaileak inskribatzeko betebeharretik salbuetsita egongo dira. Horrez gain, ordaindu beharreko kuotarik ateratzen ez den likidazio aldietan, ez dute izakinen erregistro libururik aurkeztu beharko.

Bestalde, inportatzaileak salbuetsita geratzen dira erregistroan inskribatzeko, kontabilitatea eramateko edo izakinen erregistro liburua aurkezteko obligaziotik. Kasu horretan, aduana zorrerako aurreikusitako moduan likidatuko da zerga, aduana legeriak xedatutakoaren arabera.

Zergapekoen erroldari dagokionez, lurralde erregistroan inskribatzera behartuta egongo dira, baita ere, plastikozko ontzi ez-berrerabilgarrien gaineko zerga bereziaren zergadunen ordezkariek, zergadunak Espainiako lurraldean ezarrita ez daudenean.

Gipuzkoako Lurralde Historikoko zerga kudeaketari eta zerga arloko jarduketa eta prozeduren arau komunei buruzko Erregelamenduak, apirilaren 21eko 5/2020 Foru Dekretuaren bidez onetsiak, 66. artikuluan dioenez, Zergen Foru Arau Orokorreko 94.3 artikuluan aurreikusitakoaren ondorioetarako, zerga autolikidazioen eta gainerako aitopenen ereduak Ogasun eta Finantza Departamentuko foru diputatuak onetsiko ditu, eta berak ezarriko du horiek nola, non eta zein epetan aurkeztu eta, kasua bada, zerga zorra non, nola eta noiz ordaindu.

Azaldutakoagatik, bidezkoa da zergaren autolikidazio eredia onestea, gorago adierazi eta Ekonomia Itunaren aldaketan ezarrita dauden arauak jarraituz ordainarazpena Gipuzkoako Foru Aldundiari dagokion kasuetarako, ezarrita uztea zein dauden hura aurkeztera behartuta, zein epetan, zein baldintza orokorretan eta zein prozeduraren arabera, arautzea nola eta zein prozedurari jarraituko zaion zergaren itzulketa eskatzeko, eta ezartzea zer arau hartu beharko diren kontuan plastikoen identifikazio kodea zergaren lurralde erregistroan inskribatzeko, kontabilitatea eramateko eta izakinen erregistro liburua aurkezteko.

Horrenbestez, hau

#### XEDATZEN DUT

##### *1. artikulua. 592 eredia onestea.*

Onesten da 592 eredia, «Plastikozko ontzi ez-berrerabilgarrien gaineko zerga berezia. Autolikidazioa» izeneko, foru agindu honetan I. eranskin gisa jasotzen dena.

##### *2. artikulua. 592 eredia aurkeztera behartuak eta aurkezteko epeak.*

1. 592 eredia aurkeztera eta, hala badagokio, zerga zorra ordaintzera behartuta daude zergaren eremu objektiboaren parte diren produktuak fabrikatzen eta batasunaren barruan eskuratzen dituztenak, baldin eta zergaren ordainarazpena Gipuzkoako Foru Aldundiari badagokio maiatzaren 23ko 12/2002 Legearen bidez onetsitako Euskal Autonomia Erkidegoarekiko Ekonomia Itunaren 33 bis artikuluan xedatutakoarekin bat.

2. Likidazio aldia hiruhileko naturala izango da, non eta zergadunak, balio erantsiaren gaineko zergaren eremuan, ez duen hilabetea likidatu behar den eragiketa bolumenari edo zerga horren araudian aurreikusitako bestelako zirkunstantziei erreparatuta, kasu horretan, zerga honen likidazio aldia hilabetea ere izango baita.

592 ereduaren aurkezpena eta, hala badagokio, zerga zorraren ordainketa, kasuan kasuko likidazio aldia amaitu eta hurrengo hilabetearen lehen hogeita bost egun naturalen barruan egingo da, bi kasu hauetan izan ezik: urtarrilari dagokion aurkezpena hil horren 31ra arte luzatuko da, eta uztaileko likidazio aldiari dagokiona, berriz, abuztuan eta irailaren lehen hogeita bost egun naturalen barruan egin ahal izango da.

3. Zerga likidatzean ikusten bada kenkariaren zenbatekoa likidazio aldiaren sortutako kuoten zenbatekoa baino handiagoa dela, soberakina hurrengo autolikidazioetan konpentsatu ahal izango da, baldin eta soberakina gertatu den likidazio aldia amaitu denetik lau urte igaro ez badira.

4. Kenkariaren zenbatekoek urte naturaleko azken likidazio aldiaren sortutako kuoten zenbatekoa gainditzen dutenean, zergadunek beren alde duten saldoaren itzulketa eskatu ahal izango dute likidazio aldi horri dagokion autolikidazioan.

5. Aplikatutako kenkariaren egokitasuna egiaztatu ahal izateko, 592 ereduarekin batera, kenkariaren arrazoi diren egitateen frogagiriak aurkeztu beharko dira, baita zerga ordaindu dela frogatzen dutenak ere.

##### *3. artikulua. Ordaindutako zergaren zenbatekoaren itzulketa eskatzeko subjektuak eta epeak.*

1. Apirilaren 8ko 7/2022 Legearen 81.1 artikuluan aipatzen diren inportatzaile eta eskuratzzaileek zilegi izango dute zergarengatik ordaindutako zenbatekoaren itzulketa eskatzea.

2. Eskaerarekin batera, haren arrazoi diren egitateen frogagiriak aurkeztu beharko dira, baita zerga ordaindu dela frogatzen dutenak ere.

3. Itzulketa eskaera, haren arrazoi diren egitateak gertatu diren hiruhilekoa amaitu eta hurrengo hilaren lehen hogeita bost egun naturalen barruan aurkeztu beharko da, urtarrilari dagokiona izan ezik, azken hori hil horren 31ra arte aurkeztu ahal izango baita.

*4. artikulua. 592 eredia eta ordaindutako zergaren itzulketa eskaera aurkezteko modua, baldintza orokorrak eta prozedura.*

1. 592 eredia eta ordaindutako zergaren zenbatekoa itzultzeko eskaera nahitaez bide elektronikoz aurkeztuko dira, Interneten dagoen «Zergabidea» plataforma erabilia, betiere ekainaren 28ko 320/2017 Foru Aginduak, Gipuzkoako Lurralde Historikoko Zergen Foru Administrazioarekiko harremanetan bitarteko elektronikoak erabiltzeko obligazioa arautzen duenak, ezarritakoaren arabera. Itzulketa eskaera «Zergabidea» plataformako idazkien atalaren bidez egin beharko da.

«Zergabidea» plataforman <https://zergabidea.gipuzkoa.eus> atarian dago eskuragarri. Bertan sartzeko, beste bi bide hauek ere erabili daitezke: Gipuzkoako Foru Aldundiaren egoitza elektronikoa <https://egoitza.gipuzkoa.eus/eu/> eta Ogasun eta Finantza Departamentuaren webgune ofiziala <https://www.gipuzkoa.eus/es/web/ogasuna>.

2. 592 ereduaren aurkezpena eta, kasua bada, kuoten ordainketa subjektu pasiboetako bakoitzak egin beharko du, oro har. Fabrikatzaileak bere jarduera garatzeko erabiltzen duen establezimendu bakoitzeko bete beharko da obligazio hori. Batasun barruko eskuratzailen kasuan, obligazio hori zerga egoitzaren arabera bete beharko da.

*5. artikulua. Plastikozko ontzi ez-berrerabilgarrien gaineko zerga bereziaren lurralde erregistroan inskribatzea.*

1. Zergaren xede diren produktuen fabrikatzaileek derrigorrezkoa dute plastikozko ontzi ez-berrerabilgarrien gaineko zerga bereziaren lurralde erregistroan inskribatzeko eskatzea.

Fabrikatzaileak ez dira behartuta egongo erregistro horretan inskribatzera beren jarduera ez bada fabrikaziotzat hartzen Hondakinei eta lurzoru kutsatuei buruzko apirilaren 8ko 7/2022 Legeak, ekonomia zirkularra bultzatzekoak, 71.1b) artikuluan xedatutakoaren arabera.

2. Zergaren xede diren produktuak Europar Batasunaren barruan eskuratzen dituztenek lurralde erregistroan inskribatzeko eskatuko dute beren zerga egoitza Gipuzkoan dagoenean.

Batasunaren barruko eskuratzailak inskribatzeko betebeharretik salbuetsita geratzen dira baldin eta Batasunaren barruan egiten dituzten eskurapenetan birziklatu gabeko plastikoaren pisu osoa ez bada hilabete natural batean 5 kilogramotik gorakoa. Batasun barruko eskurapenek pisu hori gainditzen duten momentutik aurrera, nahitaez inskribatu beharko dira. Ondorio horietarako, kontuan hartuko dira bai Europar Batasunaren barruan dagoeneko egindako eskurapenak, bai hilabete naturalean egiteko aurreikusita daudenak.

3. Plastikozko ontzi ez-berrerabilgarrien gaineko zerga bereziaren zergadunak ez badaude ezarrita Espainiako lurraldean, haien ordezkariak lurralde erregistroan inskribatzeko eskatuko dute beren egoitza Gipuzkoan dagoenean.

4. Aurreko apartatuetan aipatutako zergapekoek inskripzio eskaera bat aurkeztu beharko dute, eta hari dokumentazio hau erantsi:

a) Ordezkaritzaren frogagiriak, zergapekoak ordezkari bidez jarduten duenean.

b) Fabrikatzaileek jarduera garatzeko erabiltzen duten establezimenduaren identifikazioa eta deskribapena.

c) Jarduera ekonomikoen gaineko zergan zein epigrafe dagokion.

5. Lurralde erregistroan inskribatzeko eskaera jarduera hasi aurretik egin beharko da, bide elektronikoz, Gipuzkoako Foru Aldundiaren egoitza elektronikoa erabilita. Eskaera jaso eta dagokion espedientea izapidetu ondoren, kudeaketa bulegoak zergaren lurralde erregistroan inskribatzea erabakiko du.

Inskribatzeko erabakia interesdunari jakinaraziko zaio, baita inskripzioa frogatzen duen txartela ere, zeinak plastikoaren identifikazio kodea (PIK) adieraziko baitu, hain zuzen ere, foru agindu honen 6. artikuluan araututakoa.

6. Plastikozko ontzi ez-berrerabilgarrien gaineko zerga bereziaren zergadunak ez badaude Espainiako lurraldean ezarrita, haien ordezkariak zergaren zerga egitatea dakarren lehen eragiketa egin aurretik egon beharko dute izendatuta eta lurralde erregistroan inskribatuta.

#### *6. artikulua. Plastikoen identifikazio kodea.*

1. Plastikoen identifikazio kodea (PIK kodea) artikuluko 2. apartatuan ezarritako eran konfiguratu da, eta plastikozko ontzi ez-berrerabilgarrien gaineko zerga bereziaren lurralde erregistroan inskribatzen diren zergapekoak identifikatzen ditu.

2. Kodeak hamahiru karaktere izango ditu, honela banatuak:

a) Lehen bi karaktereak ES letrak izango dira.

b) Hirugarren, laugarren eta bosgarren karaktereak zeroak izango dira, non eta Ogasun eta Finantza Departamentuaren titularrak zeroen ordezkariak beste karaktere batzuk jartzea erabakitzen ez duen.

c) Seigarren eta zazpigarren karaktereak identifikatzen dute lurralde erregistroko inskripzioa zein kudeaketa bulegotan egiten den.

d) Zortzigarren eta bederatzigarren karaktereak garatzen den jarduera identifikatzen dute artikuluko 5. apartatuan ezarritako eran.

e) Hamargarren, hamaikagarren eta hamabigarren karaktereak adierazten dute zein den lurralde erregistroan inskripzio zenbaki sekuentziala jarduera bakoitzaren barruan.

f) Hamahirugarren karakterea kontrol letra bat izango da.

3. Zergapekoek jarduerak adina PIK kode lortu beharko dituzte. Fabrikatzaileen kasuan, PIK kodeak beren jarduerak garatzeko erabiltzen dituzten establezimenduak adinakoak izango dira.

4. Zergadunek lurralde erregistroan inskribatzeko eskatu beharko dute, eta, hala badagokio, autolikidazioa aurkeztu beharko diote Zerga Administrazioari.

5. Foru agindu honen 2. artikuluko 2.d) apartatuan xedatutakoaren arabera, lurralde erregistroan inskribatutako pertsonak edo entitateak garatzen duen jardueraren identifikazio ezaugarriak honako hauek dira:

FP: Plastikozko ontzi ez-berrerabilgarrien gaineko zerga bereziaren xede diren produktuak fabrikatzen dituen zergaduna.

AP: Plastikozko ontzi ez-berrerabilgarrien gaineko zerga bereziaren xede diren produktuak Batasunaren barruan eskuratzen dituen zergaduna.

RP: Espainiako lurraldean ezarri gabeko zergadunaren ordezkaria.

#### *7. artikulua. Kontabilitatea eta izakinen erregistro liburua.*

1. Zerga honen zergadun diren fabrikatzaile guztiek zergari lotutako produktuen kontabilitatea eraman behar dute foru agindu honen II. eranskinean agertzen den formatu elektronikoa jarraituz.

Betebehar hori betetzeko, kontabilitate sistema informatiko bat erabili beharko da, Gipuzkoako Foru Aldundiaren egoitza elektronikoa bitartez, eta kontabilitate idazpenak bide elektronikoz bete, dena delako likidazio aldia amaitu eta hurrengo hilabetearen barruan. Ondorio horietarako, abuztua hilabete baliogabetzat joko da.

2. Zergaren xede diren produktuak Batasunaren barruan eskuratzen dituztenak lurralde erregistroan inskribatzera behartuta badaude, izakinen erregistro liburu bat eraman beharko dute, foru agindu honen II. eranskinean agertzen den formatu elektronikoa jarraituz.

Betebehar hori betetzeko, kontabilitate sistema informatiko bat erabili beharko da, Gipuzkoako Foru Aldundiaren egoitza elektronikoa bitartez, dena delako likidazio aldia amaitu eta hurrengo hilabetearen barruan. Ondorio horietarako, abuztua hilabete baliogabetzat joko da.

3. Ordaindu beharreko kuotarik ateratzen ez den likidazio aldietan, Batasunaren barruko eskuratzailerik ez dute izakinen erregistro libururik aurkeztu beharko.

#### *Xedapen gehigarri bakarra. Datu pertsonalen tratamendua.*

Bere eskubideak eta zerga betebeharrak betez zergapekoak ematen dituen datu pertsonalak zerga sistema aplikatzeko tratatuko dira. Tratamendu horrek bat etorri beharko du Europako Parlamentuaren eta Kontseiluaren apirilaren 27ko 2016/679/EB Erregelamenduekin eta Datu Pertsonalen Babesari eta eskubide digitalen bermeari buruzko abenduaren 5eko 3/2018 Lege Organikoarekin.

Lehen xedapen iragankorra. Foru agindua indarrean jarri aurretik hasitako jarduerak lurralde erregistroan inskribatzea.

Plastikozko ontzi ez-berrerabilgarrien gaineko zerga bereziaren lurralde erregistroan inskribatu behar diren zergapekoek inskripzioa eskatu beharko dute foru agindu hau indarrean jartzen denetik 2023ko maiatzaren 25era bitarteko epean.

Aurrekoa gorabehera, zergapekoak, foru agindu hau indarrean jartzen den unean, inskribatuta badaude abenduaren 28ko HFP/1314/2022 Aginduan aipatzen den lurralde erregistroan (HFP/1314/2022 Agindua, zeinaren bidez onesten badira 592 eredia –«Plastikozko ontzi ez-berrerabilgarrien gaineko zerga berezia. Autolikidazioa»– eta A22 eredia, «Plastikozko ontzi ez-berrerabilgarrien gaineko zerga berezia. Itzulketa eskaera», horiek aurkezteko modua eta prozedura zehazten baitira, eta lurralde erregistroan inskribatzea, kontabilitatea eramatea eta izakinen erregistro liburua aurkeztea arautzen baitira), ofizios inskribatuko dira plastikozko ontzi ez-berrerabilgarrien gaineko zerga bereziaren Gipuzkoako Foru Aldundiaren erregistroan.

*Bigarren xedapen iragankorra. 592 eredia aurkezteko eta ordaindutako zergaren itzulketa eskatzeko epe berezia.*

1. Foru agindu honen 2. artikuluan aurreikusitakoa gorabehera, 2023. urteko lehen hiruhilekoari eta, kasua bada, 2023ko martxoari dagokion 592 eredua, «Plastikozko ontzi ez-berrerabilgarrien gaineko zerga berezia. Autolikidazioa», aurkezteko borondatezko epea 2023ko maiatzaren 25era arte luzatuko da.

2. Foru agindu honen 3. artikuluan aurreikusitakoa gorabehera, ordaindutako zergaren zenbatekoaren itzulketa eskatzeko borondatezko epea, 2023ko lehen hiruhilekoari dagokiona, 2023ko maiatzaren 25era arte luzatuko da.

*Hirugarren xedapen iragankorra. 2023ko urtarrilaren 1a baino lehenagoko izakinei dagozkien kontabilitate betebeharrak.*

2023ko urtarrilaren 1ean fabrikatzaileek plastikozko ontzi ez-berrerabilgarrien gaineko zerga bereziaren xede diren produktuen izakinak biltegitatuta badituzte, izakin horiek sartu beharko dituzte beren kontabilitatean.

*Laugarren xedapen iragankorra. 2023ko izakinen kontabilitatea eramateko eta izakinen erregistro liburua aurkezteko betebeharrak.*

1. Foru agindu honen 7. artikuluan xedatutakoaren arabera kontabilitatea eramateko obligazioa duten fabrikatzaileek 2023ko abenduaren barruan egin ahal izango dute 2023ko likidazio aldiei dagozkien kontabilitate idazpenen hornidura elektronikoa.

2. Foru agindu honen 7. artikuluan arabera izakinen erregistro liburua eramateko obligazioa duten batasun barruko eskuratzailerak 2023ko abenduaren barruan aurkeztu ahal izango dute 2023ko likidazio aldiei dagokien erregistro liburua.

*Azken xedapen bakarra. Indarrean jartzea.*

Foru agindu hau Gipuzkoako ALDIZKARI OFIZIALEAN argitaratu eta hurrengo egunean jarriko da indarrean, eta 2023. urteko lehen hiruhilekoagatik eta, kasua bada, 2023ko martxoagatik aurkeztu beharreko autolikidazioei aplikatuko zaie lehenengo aldiz.

Donostia, 2023ko apirilaren 5a.—Ogasun eta Finantza Departamentuko foru diputatua. (2656)

#### I. ERANSKINA



#### II. ERANSKINA

##### *Izakinen kontabilitatea eta erregistro-liburua*

Fabrikatzaileen kontabilitateak, apirilaren 8ko 7/2022 Legearen 82. artikuluan eta Agindu honen 7. artikuluan xedatutakoa, honako eremu hauek, eduki honekin, izan behar ditu:

<i>Idazpen zenbakia (1)</i>	<i>Kontzeptua (2)</i>	<i>Produktuaren gakoa (3)</i>	<i>Produktuaren deskribapena (4)</i>	<i>Data (5)</i>	<i>Frogagiria (6)</i>	<i>Kilogramo (7)</i>	<i>Birziklatu gabeko kilogramoak (8)</i>	<i>Zerga araubidea (9)</i>	<i>Hartzailea edo hornitzailea (10)</i>	<i>Hartzailea edo hornitzailea (11)</i>

Idazpen zenbakia (1): dagokion likidazio aldiaren korrelatiboa izan behar duen kontabilitate idazpenaren zenbakia; lehenak hasierako izakinei dagozkienak dira.

Kontzeptua (2): kontabilizatutako gertaerari dagokion kontzeptua, honako hauek bereiziz:

—Likidazio-aldiaren hasieran, zergaren eremu objektiboa osatzen duten produktuen hasierako izakina (1 zenbakiarekin identifikatua).

—Zergaren eremu objektiboa osatzen duten produktuen fabrikazioa, apirilaren 8ko 7/2022 Legearen 71.1b) artikuluan xedatutakoaren arabera (2 zenbakiarekin identifikatua).

—Produktuak itzultzea suntsitzeko edo fabrikazio-prozesura itzultzeko, apirilaren 8ko 7/2022 Legearen 80. artikuluen 2. paragrafoko kenkaria egiteko eskubidea ematen duena (3. zenbakia du).

—Kontabilizatutako produktuak entregatzea edo eskura jartzea (4 zenbakiarekin identifikatuta).

—Kontabilizatutako produktuen gainerako bajak, entregatu edo eskura jarri ez direnak (5 zenbakiarekin identifikatuta).

Produktuaren gakoa (3): kontabilizatutako produktua identifikatzen duen letra, honako hauek bereiziz: apirilaren 8ko 7/2022 Legearen 68.1 artikuluen a) ataleko produktua (a letrarekin identifikatua), b) ataleko produktua (b letrarekin identifikatua) eta c) ataleko produktua (c letrarekin identifikatua).

Produktuaren deskribapena (4): kontabilizatutako produktuaren deskribapen laburra, identifikatzeko aukera ematen duena. Kontabilitateko deskribapenak berdina izan behar du ezaugarri bereko produktu guztientzat.

Data (5): data, kontabilizatutako gertakariari dagokion eguna, hilabetea eta urtea adierazita.

Frogagiria (6): kontabilizatutako gertaeraren egiaztatzeagatik dagokion zenbakia edo erreferentzia.

Kilogramo (7): zergaren eremu objektiboa osatzen duten produktuetan kontabilizatu beharreko plastiko kantitatea, kilogramotan adierazi behar dena, hiru hamartarrekin, goitik edo behetik biribilduta, laugarren zifra hamartarra 5etik beherakoa den edo ez kontuan hartuta.

Birziklatu gabeko kilogramoak (8): birziklatu gabeko plastikoaren kantitatea, (7) laukian zenbatutako plastiko kantitatean dagoena. Kantitate hori kilogramotan adierazi behar da, hiru hamartarrekin, laugarren zifra hamartarra 5etik beherakoa den edo ez kontuan hartuta.

Zerga-araubidea (9): Eranskin honetako «Kontabilitatea. Erregimen fiskala» taulan adierazitakoaren arabera betetzekoa.

Hartzailea edo hornitzailea (10): eremu hau bete behar da kontabilizatutako produktua entregatu edo eskura jartzen denean, Espainiako lurraldetik kanpo bidaltzen denean edo, entregatu edo eskura jarri ondoren, suntsitu edo fabrikazio-prozesura itzultzen denean.

Entregatu edo eskura jartzen bada, hartzailearen izenarekin edo sozietatearen izenarekin bete behar da. Espainiako lurraldetik kanpo bidaltzen bada, hartzailearen izenarekin edo sozietate-izenarekin. Eta itzultzen bada, hornitzailearen izenarekin edo sozietate-izenarekin.



Hornitzailea edo hartzailea (11): eremu hau aurreko laukian adierazitako hornitzaileari edo hartzaileari dagokion IFZ, IFZ/BEZ edo AIZrekin bete behar da.

Apirilaren 8ko 7/2022 Legearen 82. artikuluan eta Agindu honen 7. artikuluan xedatuta dagoen Batasunaren barruko eskuratzailen izakinen erregistro-liburuak honako eremu hauek, eduki honekin, izan behar ditu:

<i>Idazpen zenbakia (1)</i>	<i>Kontzeptua (2)</i>	<i>Produktuaren gakoa (3)</i>	<i>Data (4)</i>	<i>Frogagiria (5)</i>	<i>Kilogramo (6)</i>	<i>Birziklatu gabeko kilogramoak (7)</i>	<i>Zerga araubidea (8)</i>	<i>Hartzailea edo hornitzailea (9)</i>	<i>Hartzailea edo hornitzailea (10)</i>

Idazpen-zenbakia (1): dagokion likidazio-aldian korrelatiboa izan behar duen kontabilitate-idazpenaren zenbakia.

Kontzeptua (2): kontabilizatutako gertaerari dagokion kontzeptua, honako hauek bereiziz:

—Batasunaren barruko eskurapena (1 zenbakiarekin identifikatua).

—Espainiako lurraldetik kanpora bidaltzea, apirilaren 8ko 7/2022 Legearen 80. artikuluan 1. paragrafoaren a) letran xedatutakoaren arabera (2 zenbakiarekin identifikatuta).

—Desegokitasuna edo suntsipena, apirilaren 8ko 7/2022 Legearen 80. artikuluan 1. paragrafoaren b) letran xedatutakoaren arabera (3 zenbakiarekin identifikatua).

—Fabrikazio-prozesura itzultzeko edo suntsitzeko itzultzea, apirilaren 8ko 7/2022 Legearen 80. artikuluan 1. paragrafoaren c) letran xedatutakoaren arabera (4 zenbakiarekin identifikatuta).

Produktuaren gakoa (3): kontabilizatutako produktua identifikatzen duen letra, honako hauek bereiziz: apirilaren 8ko 7/2022 Legearen 68.1 artikuluan a) ataleko produktua (a letrarekin identifikatua), b) ataleko produktua (b letrarekin identifikatua) eta c) ataleko produktua (c letrarekin identifikatua).

Data (4): data, kontabilizatutako gertakariari dagokion eguna, hilabetea eta urtea adierazita.

Frogagiria (5): kontabilizatutako gertaeraren egiaztatariari dagokion zenbakia edo erreferentzia.

Kilogramo (6): zergaren eremu objektiboa osatzen duten produktuetan kontabilizatu beharreko plastiko kantitatea, kilogramotan adierazi behar dena, hiru hamartarrekin, goitik edo behetik biribilduta, laugarren zifra hamartarra 5etik beherakoa den edo ez kontuan hartuta.

Birziklatu gabeko kilogramoak (7): birziklatu gabeko plastiko kantitatea, (6) laukian zenbatutako plastiko kantitatean dagoena. Kantitate hori kilogramotan adierazi behar da, hiru hamartarrekin, goitik edo behetik biribilduta, laugarren zifra hamartarra 5etik beherakoa den edo ez kontuan hartuta.

Zerga-araubidea (8): Eranskin honetako «Izakinen erregistro-liburua. Erregimen fiskala» taulan adierazitakoaren arabera betetzekoa.

Hornitzailea edo hartzailea (9): eremu hau bete behar da kontabilizatutako produktua Batasunaren barruko eskurapena denean, Espainiako lurraldetik kanpo bidaltzen denean edo, entregatu edo eskura jarri ondoren, itzultzen denean, suntsitu edo fabrikazio-prozesura itzultzeko.

Batasunaren barruko eskurapena bada, hornitzailearen izenarekin edo sozietatearen izenarekin bete behar da. Espainiako lurraldetik kanpo bidaltzen bada, hartzailearen izenarekin edo

sozietatearen izenarekin bete behar da. Eta entregatu edo eskura jarri ondoren itzultzen bada, hornitzailearen izenarekin edo sozietatearen izenarekin bete behar da.

Hornitzailea edo hartzailea (10): eremu hau aurreko laukian adierazitako hornitzaileari edo hartzaileari dagokion IFZ, IFZ/BEZ edo AIZrekin bete behar da.

—Kontabilitatea. Zerga-araubidea.

<u>Zerga-araubidea</u>	<u>Kodea</u>
Lotua eta ez-salbuetsia	a
Ez lotua apirilaren 8ko 7/2022 Legearen 73.a) art.	b
Ez lotua apirilaren 8ko 7/2022 Legearen 73.b) art.	c
Ez lotua apirilaren 8ko 7/2022 Legearen 73.c) art.	d
Ez lotua apirilaren 8ko 7/2022 Legearen 73.d) art.	e
Salbuetsia apirilaren 8ko 7/2022 Legearen 75.a).1 art.	f
Salbuetsia apirilaren 8ko 7/2022 Legearen 75.a).2 art.	g
Salbuetsia apirilaren 8ko 7/2022 Legearen 75.a).3 art.	h
Salbuetsia apirilaren 8ko 7/2022 Legearen 75.c) art.	i
Salbuetsia apirilaren 8ko 7/2022 Legearen 75.g).1 art.	j
Salbuetsia apirilaren 8ko 7/2022 Legearen 75.g).2 art.	k

—Izakinen erregistro liburua. Zerga-araubidea.

<u>Zerga-araubidea</u>	<u>Kodea</u>
Lotua eta ez-salbuetsia. 7/2022 Legea, apir. 8koa	a
Ez lotua apirilaren 8ko 7/2022 Legearen 73.c) art.	b
Ez lotua apirilaren 8ko 7/2022 Legearen 73.d) art.	c
Salbuetsia apirilaren 8ko 7/2022 Legearen 75.a).1 art.	d
Salbuetsia apirilaren 8ko 7/2022 Legearen 75.a).2 art.	e
Salbuetsia apirilaren 8ko 7/2022 Legearen 75.a).3 art.	f
Salbuetsia apirilaren 8ko 7/2022 Legearen 75.b) art.	g
Salbuetsia apirilaren 8ko 7/2022 Legearen 75.c) art.	h
Salbuetsia apirilaren 8ko 7/2022 Legearen 75.d) art.	i
Salbuetsia apirilaren 8ko 7/2022 Legearen 75.e) art.	j
Salbuetsia apirilaren 8ko 7/2022 Legearen 75.f) art.	k
Salbuetsia apirilaren 8ko 7/2022 Legearen 75.g).1 art.	l
Salbuetsia apirilaren 8ko 7/2022 Legearen 75.g).2 art.	m

